

大方廣佛華嚴經卷第三十三

愛三

大方廣佛華嚴經卷第三十四 雜

于闐國三藏沙門實叉難陀譯

十地品第二十六之一

慧聚塔院

余時世尊在他化自在天王宮摩尼寶藏殿  
與大菩薩衆俱其諸菩薩皆於阿耨多羅三  
藐三菩提不退轉悉從他方世界來集住一  
切菩薩智所住境入一切如來智所入處勤  
行不息善能示現種種神通諸所作事教化  
調伏一切衆生而不失時爲成菩薩一切大  
願於一切世一切劫一切剎勤修諸行無暫  
懈息具足菩薩福智助道普益衆生而恒不  
罣礙菩薩智慧方便究竟彼岸示入生

死及以涅槃而不廢捨修菩薩行善入一切  
菩薩禪定解脫三昧三摩鉢底神通明智諸  
所施爲皆得自在獲一切菩薩自在神力於  
一念頃無所動作悉能往詣一切如來道場  
衆會爲衆上首請佛說法護持諸佛正法之  
輪以廣大心供養承事一切諸佛常勤修習  
一切菩薩所行事業其身普現一切世間其  
音普及十方法界心智無礙普見三世一切  
菩薩所有功德悉已修行而得圓滿於不可  
說劫說不能盡其名曰金剛藏菩薩寶藏菩  
薩蓮華藏菩薩德藏菩薩蓮華德藏菩薩日  
藏菩薩蘇利耶藏菩薩無垢月藏菩薩於一  
切國土普現莊嚴藏菩薩毗盧遮那智藏菩  
薩妙德藏菩薩栴檀德藏菩薩華德藏菩薩  
俱蘇摩德藏菩薩優鉢羅德藏菩薩天德藏  
菩薩福德藏菩薩無礙清淨智德藏菩薩功  
德藏菩薩那羅延德藏菩薩無垢藏菩薩離  
垢藏菩薩種種辯才莊嚴藏菩薩大光明網

藏菩薩淨威德光明五藏菩薩金莊嚴大功德光明王藏菩薩一切相莊嚴淨德藏菩薩金剛燄德相莊嚴藏菩薩光明燄藏菩薩星宿王光照藏菩薩虛空無礙智藏菩薩妙音無礙藏菩薩陀羅尼功德持一切衆生願藏菩薩海莊嚴藏菩薩須彌德藏菩薩淨一切功德藏菩薩如來藏菩薩佛德藏菩薩解脫月菩薩如是等無數無量無邊無等不可數不可稱不可思不可量不可說諸菩薩摩訶薩衆金剛藏菩薩而爲上首尔時金剛藏菩薩承佛神力入菩薩大智慧光明三昧入是三昧已即時十方各過十億佛刹微塵數世

<sup>金剛</sup><sup>日</sup><sup>藏</sup>

不思議諸佛法光明故所謂令入智地故攝一切善根故善簡擇一切佛法故廣知諸法故善能說法故無分別智清淨故一切世法不染故出世善根清淨故得不思議智境界故得一切智人智境界故又令得菩薩十地始終故如實說菩薩十地差別相故緣念一切佛法故修習分別無漏法故善選擇觀察大智光明巧莊嚴故善入決定智門故隨所住處次第顯說無所畏故得無礙辯才光明故住大辯才地善決定故憶念菩薩心不忘失故成熟一切衆生界故能偏至一切處決定開悟故善男子汝當辯說此法門差別善巧法所謂承佛神力如來智明所加故淨自善根故普淨法界故普攝衆生故深入法身智身故受一切佛灌頂故得一切世間最高大身故超一切世間道故清淨出世善根故滿足一切智智故尔時十方諸佛與金剛藏菩薩無能映奪身與無礙樂說辯與善分別

清淨智與善憶念不忘力與善決定明了慧與至一切處開悟智與成道自在力與如來無所畏與一切智人觀察分別諸法門辯才智與一切如來上妙身語意具足莊嚴何以故得此三昧法如是故本願所起故善淨深心故善淨智輪故善積集助道故善修治所作故念其無量法器故知其清淨信解故得無錯謬惣持故法界智印善印故尔時十方諸佛各申右手摩金剛藏菩薩頂摩頂已金剛藏菩薩從三昧起普告一切菩薩衆言諸佛子諸菩薩願善決定無雜不可見廣大如法界究竟如虛空盡未來際徧一切佛刹救護一切衆生爲一切諸佛所護入過去未來現在諸佛智地佛子何等爲菩薩摩訶薩智地佛子菩薩摩訶薩智地有十種過去未來現在諸佛已說當說今說我亦如是說何等爲十一者歡喜地二者離垢地三者發光地四者燄慧地五者難勝地六者現前地七者

遠行地八者不動地九者善慧地十者法雲地佛子此菩薩十地三世諸佛已說當說今說佛子我不見有諸佛國土其中如來不說此十地者何以故此是菩薩摩訶薩向菩提最上道亦是清淨法光明門所謂分別演說菩薩諸地佛子此處不可思議所謂諸菩薩隨證智爾時金剛藏菩薩說此菩薩十地名已默然而住不復分別是時一切菩薩衆聞菩薩十地名不聞解釋咸生渴仰作如是念何因何緣金剛藏菩薩唯說菩薩十地名而不解釋解脫月菩薩知諸大衆心之所念以頌問金剛藏菩薩曰

何故淨覺人 念智功德具 說諸上妙地  
有力不解釋 一切咸法定 勇猛無怯弱  
何故說地名 而不爲開演 諸地妙義趣  
此衆皆欲聞 其心無怯弱 願爲分別說  
衆會悉清淨 離懈怠嚴潔 能堅固不動  
具功德智慧 相視咸恭敬 一切悉專仰

如蜂念好蜜 如渴思甘露

余時大智無所畏金剛藏菩薩聞說是已欲令衆會心歡喜故爲諸佛子而說頌言

菩薩行地事 最上諸佛本 顯示分別說第一希有難 微細難可見 離念超心地出生佛境界 聞者悉迷惑 持心如金剛

深信佛勝智 知心地無我 能聞此勝法如空中彩畫 如空中風相 牟尼智如是 分別甚難見 我念佛智慧 最勝難思議世間無能受 默然而不說

余時解脫月菩薩聞是說已白金剛藏菩薩言佛子今此衆會皆悉已集善淨深心善索思念善修諸行善集助道善能親近百千億佛成就無量功德善根捨離癡惑無有垢染深心信解於佛法中不隨他教善哉佛子當承佛神力而爲演說此諸菩薩於如是等甚深之處皆能證知余時解脫月菩薩欲重宣其義而說頌曰

願說最安隱 菩薩無上行 分別於諸地  
智淨成正覺 此衆無諸垢 志解悉明潔  
承事無量佛 能知此地義

余時金剛藏菩薩言佛子雖此衆集善淨思  
念捨離愚癡及以疑惑於甚深法不隨他教  
然有其餘少解衆生聞此甚深難思議事多

生

三

妙刀

生疑惑於長夜中受諸衰惱我愍此等是故  
默然余時金剛藏菩薩欲重宣其義而說頌  
曰

雖此衆淨廣智慧 甚深明利能決擇  
其心不動如山王 不可傾覆猶大海  
有行未以解未得 隨識而行不隨智

聞此生疑墮惡道 我愍是等故不說

余時解脫月菩薩重白金剛藏菩薩言佛子  
願承佛神力分別說此不思議法此人當得  
如來護念而生信受何以故說十地時一切  
菩薩法應如是得佛護念得護念故於此智  
她能生勇猛何以故此是菩薩最初所行成

就一切諸佛法故譬如書字母數說一切皆以字母爲本字母究竟無有少分離字母者佛子一切佛法皆以十地爲本十地究竟修行成就得一切智是故佛子願爲演說此人必爲如來所護令其信受余時解脫月菩薩欲重宣其義而說頌曰

善哉佛子願演說 趣入菩提諸地行  
十方一切自在尊 莫不護念智根本  
此安住智亦究竟 一切佛法所從生  
譬如書數字母攝 如是佛法依於地  
余時諸大菩薩衆一時同聲向金剛藏菩薩而說頌言

上妙無垢智 無邊分別辯 宣暢深美言  
第一義相應 念持清淨行 十力集功德  
辯才分別義 說此最勝地 定戒集正心  
離我慢邪見 此衆無疑念 惟願聞善說  
如渴思冷水 如飢念美食 如病憶良藥  
如蜂貪好蜜 我等亦如是 願聞甘露法

善哉廣大智 願說入諸地 成十力無礙  
善逝一切行

余時世尊從眉間出清淨光明名菩薩力燄  
明百千阿僧祇光明以爲眷屬普照十方一  
切世界靡不周徧三惡道苦皆得休息又照  
一切如來衆會顯現諸佛不思議力又照十

四

六

五

方一切世界一切諸佛所加說法菩薩之身  
作是事已於上虛空中成大光明雲網臺而  
住時十方諸佛悉亦如是從眉間出清淨光  
明其光名号眷屬作業悉同於此又亦照此  
娑婆世界佛及大衆并金剛藏菩薩身師子  
座已於上虛空中成大光明雲網臺時光臺  
中以諸佛威神力故而說頌言

佛無等等如虛空 十力無量勝功德  
人間最勝世中上 釋師子法加於彼  
佛子當承諸佛力 開此法王最勝藏  
諸地廣智勝妙行 以佛威神分別說  
若爲善逝力所加 當得法寶入其心

諸地無垢次第滿 亦具如來十種力  
雖住海水劫火中 堪受此法必得聞  
其有生疑不信者 永不得聞如是義  
應說諸地勝智道 入住展轉次修習  
從行境界法智生 利益一切衆生故  
余時金剛藏菩薩觀察十方欲令大衆增淨  
信故而說頌曰

如來大仙道 微妙難可知 非念離諸念  
求見不可得 無生亦無滅 性淨恒寂然  
離垢聰慧人 彼智所行處 自性本空寂  
無二亦無盡 解脫於諸趣 涅槃平等住  
非初非中後 非言辭所說 出過於三世

七

寂滅佛所行 言說莫能及 智起佛境界  
地行亦如是 難說難可受 智知意不及  
非念離心道 非蘊界處門 如是十地義  
如空中鳥跡 難說難可示 出生入地行  
心意不能了 慈悲及願力 是境界難見  
次第圓滿心 智行非慮境

可知不可說 佛力故開演 汝等應敬受  
如是智入行 億劫說不盡 我今但略說  
真實義無餘 一心恭敬待 我承佛力說  
勝法微妙音 謂喻字相應 無量佛神力  
感來入我身 此處難宣示 我今說少分  
佛子若有衆生深種善根善修諸行善集助  
道善供養諸佛善集白淨法爲善知識善攝  
善清淨深心立廣大志生廣大解慈悲現前  
爲求佛智故爲得十力故爲得大無畏故爲  
得佛平等法故爲救一切世間故爲淨大慈  
悲故爲得十力無餘智故爲淨一切佛刹無  
障礙故爲一念知一切三世故爲轉大法輪  
無所畏故佛子菩薩起如是心以大悲爲首  
智慧增上善巧方便所攝最上深心所持如  
來力無量善觀察分別勇猛力智力無礙智  
現前隨順自然智能受一切佛法以智慧教  
化廣大如法界究竟如虛空盡未來際佛子  
菩薩始發如是心即得超凡夫地入菩薩位

生如來家無能說其種族過失離世間趣入  
出世道得菩薩法住菩薩處入三世平等於  
如來種中決定當得無上菩提菩薩住如是  
法名住菩薩歡喜地以不動相應故佛子菩  
薩住歡喜地成就多歡喜多淨信多愛樂多  
適悅多欣慶多踊躍多勇猛多無鬪諍多無  
惱害多無瞋恨佛子菩薩住此歡喜地念諸  
佛故生歡喜念諸佛法故生歡喜念諸菩薩  
故生歡喜念諸菩薩行故生歡喜念諸菩薩  
波羅密故生歡喜念諸菩薩地殊勝故生歡  
喜念菩薩不可壞故生歡喜念如來教化衆  
生故生歡喜念能令衆生得利益故生歡喜

愛

四

東刀

八

平等性中故生歡喜遠離一切怖畏毛堅等  
事故生歡喜何以故此菩薩得歡喜地已所  
有怖畏悉得遠離所謂不活畏惡名畏死畏  
惡道畏大眾威德畏如是怖畏皆得永離何  
以故此菩薩離我想故尚不愛自身何況資  
財是故無有不活畏不於他所希求供養唯  
專給施一切衆生是故無有惡名畏遠離我  
見無有我想是故無有死畏自知死已決定  
不離諸佛菩薩是故無有惡道畏我所志樂  
一切世間無與等者何況有勝是故無有大  
衆威德畏菩薩如是遠離驚怖毛堅等事佛  
子此菩薩以大悲為首廣大志樂無能沮壞  
轉更勤修一切善根而得成就所謂信增上  
故多淨信故解清淨故信決定故發生悲愍  
故成就大慈故心無疲懈故慚愧莊嚴故成  
就柔和故敬順尊重諸佛教法故日夜修集  
切衆生作依止處故生歡喜見一切如來故  
求多聞無厭足故如所聞法正觀察故心無

妙

依著故不耽著利養名聞恭敬故不求一切資生之物故生如寶心無厭足故求一切智地故求如來力無畏不共佛法故求諸波羅密助道法故離諸諂詎故如說能行故常護實語故不汙如來家故不捨菩薩戒故生一切智心如山王不動故不捨一切世間事成就出世間道故集助菩提分法無厭足故常求上上殊勝道故佛子菩薩成就如是淨治地法名爲安住菩薩歡喜地佛子菩薩住此歡喜地能成就如是大誓願如是大勇猛如是大作用所謂生廣大清淨決定解以一切供養之具恭敬供養一切諸佛令無有餘廣大如法界究竟如虛空盡未來際一切劫數無有休息又發大願願受一切佛法輪願攝一切佛菩提願護一切諸佛教願持一切諸佛法廣大如法界究竟如虛空盡未來際一切劫數無有休息又發大願願一切世界廣大無量麤細亂住倒住正住若入若行若去如帝網差別十方無量種種不同智皆明了現前知見廣大如法界究竟興于世從兜率天宮沒入胎住胎初生出家

成道說法示現涅槃皆悉往詣親近供養為衆上首受行正法於一切處一時而轉廣大如法界究竟如虛空盡未來際一切劫數無有休息又發大願願一切菩薩行廣大無量不壞不雜攝諸波羅密淨治諸地惣相別相同相異相成相壞相所有菩薩行皆如實說教化一切令其受行心得增長廣大如法界究竟如虛空盡未來際一切劫數無有休息又發大願願一切衆生界有色無色有想無想非有想非無想如生胎生濕生化生三界所繫入於六趣一切生處名色所攝如是等類我皆教化今入佛法令永斷一切世間趣令安住一切智智道廣大如法界究竟如虛空盡未來際一切劫數無有休息又發大願願一切世界廣大無量麤細亂住倒住正住若入若行若去如帝網差別十方無量種種不同智皆明了現前知見廣大如法界究竟興于虛空盡未來際一切劫數無有休息又發

大願願一切國土入一國土一國土入一切國土無量佛土普皆清淨光明衆具以爲莊嚴離一切煩惱成就清淨道無量智慧衆生充滿其中普入廣大諸佛境界隨衆生心而爲示現皆令歡喜廣大如法界究竟如虛空盡未來際一切劫數無有休息又發大願願

與一切菩薩同一志行無有怨嫉集諸善根一切菩薩平等一緣常共集會不相捨離隨意能現種種佛身任其自心能知一切如來境界威力智慧得不退如意神通遊行一切世界現形一切衆會普入一切生處成就不思議大乘修菩薩行廣大如法界究竟如虛空盡未來際一切劫數無有休息又發大願願乘不退輪行菩薩行身語意業悉不唐捐若暫見者則必定佛法暫聞音聲則得實智慧纔生淨信則永斷煩惱得如大藥王樹身得如意寶身修行一切菩薩行廣大如法界究竟如虛空盡未來際一切劫數無有休息

息又發大願願於一切世界成阿耨多羅三藐三菩提不離一毛端處於一切毛端處皆悉示現初生出家詣道場成正覺轉法輪入涅槃得佛境界大智慧力於念念中隨一切衆生心示現成佛令得寂滅以一三菩提知一切法界即涅槃相以一音說法令一切衆

愛

四

十

癸

生心皆歡喜示入大涅槃而不斷菩薩行示大智慧地安立一切法以法智通神足通幻通自在變化充滿一切法界廣大如法界究竟如虛空盡未來際一切劫數無有休息佛子菩薩住歡喜地發如是大誓願如是大勇猛如是大作用以此十願門爲首滿足百萬阿僧祇大願佛子此大願以十盡句而得成就何等爲十所謂衆生界盡世界盡虛空界盡法界盡涅槃界盡佛出現界盡如來智界盡心所緣界盡佛智所入境界界盡世間轉法轉智轉界盡若衆生界盡我願乃盡若世間轉法轉智轉界盡我願乃盡而

衆生界不可盡乃至世間轉法轉智轉界不可盡故我此大願善根無有窮盡佛子菩薩發如是大願已則得利益心柔軟心隨順心寂靜心調伏心寂滅心謙下心潤澤心不動心不濁心成淨信者有信功用能信如來本行所入信成就諸波羅蜜信入諸勝地信成就力信具足無所畏信生長不可壞不共佛法信不思議佛法信出生無中邊佛境界信隨入如來無量境界信成就果舉要言之信一切菩薩行乃至如來智地說力故佛子此菩薩復作是念諸佛正法如是甚深如是寂靜如是寂滅如是空如是無相如是無願如是無染如是無量如是廣大而諸凡夫心墮邪見無明覆翳立憍慢高幢入渴愛網中行詭誑稠林不能自出心與慳嫉相應不捨恒造諸趣受生因緣貪恚愚癡積集諸業日夜增長以忿恨風吹心識火熾然不息凡所作業皆顛倒相應欲流有流無明流見流相續

起心意識種子於三界田中復生苦芽所謂名色共生不離此名色增長生六處聚落於中相對生觸觸故生受因受生愛愛增長故生取取增長故生有有生故有生老死憂悲苦惱如是衆生生長苦聚是中皆空離我我所無知無覺無作無受如草木石壁亦如影

卷

十一

芽

像然諸衆生不覺不知菩薩見諸衆生於如是苦聚不得出離是故即生大悲智慧復作是念此衆生我應救拔置於究竟安樂之處是故即生大慈光明智佛子菩薩摩訶薩隨順如是大悲大慈以深重心住初地時於一切物無所惜求佛大智修行大捨凡是所有一切能施所謂財穀倉庫金銀摩尼真珠瑠璃珂貝璧玉珊瑚等物珍寶瓔珞嚴身之具象馬車乘奴婢人民城邑聚落園林臺觀妻妾男女内外眷屬及餘所有珍玩之具頭目手足血肉骨髓一切身分皆無所惜爲求諸佛廣大智慧是名菩薩住於初地大捨

成就佛子菩薩以此慈悲大施心為欲救護一切衆生轉更推求世出世間諸利益事無疲厭故即得成就無疲厭心得無疲厭心已於一切經論心無怯弱無怯弱故即得成就一切經論智獲是智已善能籌量應作不應作於上中下一切衆生隨應隨力隨其所習

如是而行是故菩薩得成世智成世智已知時知量以慚愧莊嚴勤修自利利他之道是故成就慚愧莊嚴於此行中勤修出離不退不轉成堅固力得堅固力已勤供諸佛於佛教法能如說行佛子菩薩如是成就十種淨諸地法所謂信悲慈捨無有疲厭知諸經論

卷四

十三

安刀

善解世法慚愧堅固力供養諸佛依教修行佛子菩薩住此歡喜地已以大願力得見多佛所謂見多百佛多千佛多百千佛多億佛多百億佛多千億佛多百千億佛多億那由他佛多百億那由他佛多千億那由他佛多百千億那由他佛悉以大心深心恭敬尊重

承事供養衣服飲食卧具醫藥一切資生悉以奉施亦以供養一切衆僧以此善根皆悉迴向無上菩提佛子此菩薩因供養諸佛故得成就衆生法以前二攝攝取衆生謂布施愛語後二攝法但以信解力故行未善通達是菩薩十波羅蜜中檀波羅蜜增上餘波羅蜜非不修行但隨力隨分是菩薩隨所勤修供養諸佛教化衆生皆以修行清淨地法所有善根悉以迴向一切智地轉轉明淨調柔成就隨意堪用佛子譬如金師善巧鍊金數數入火轉轉明淨調柔成就隨意堪用菩薩亦復如是供養諸佛教化衆生皆為修行清淨地法所有善根悉以迴向一切智地轉轉明淨調柔成就隨意堪用佛子菩薩摩訶薩住於初地應從諸佛菩薩善知識所推求請問於此地中相及得果無有厭足為欲成就此地法故亦應從諸佛菩薩善知識所推求請問第二地中相及得果無有厭足為欲成

就彼地法故亦應如是推求請問第三第四第五第六第七第八第九第十地中相及得果無有厭足爲欲成就彼地法故是菩薩善知諸地障對治善知地成壞善知地相果善知地得修善知地法清淨善知地地轉行善知地處非處善知地地殊勝智善知地地不退轉善知淨治一切菩薩地乃至轉入如來地佛子菩薩如是善知地相始於初地起行不斷如是乃至入第十地無有斷絕由此諸地智光明故成於如來智慧光明佛子譬如商主善知方便欲將諸商人往詣大城未發之時先問道中功德過失及住止處安

<sup>四</sup><sup>十四</sup><sup>五</sup>

淨轉入如來地然後乃具福智資糧將一切衆生經生死曠野險難之處安隱得至薩婆若城身及衆生不經患難是故菩薩常應匪懈勤修諸地殊勝淨業乃至趣入如來智地佛子是名略說菩薩摩訶薩入菩薩初地門廣說則有無量無邊百千阿僧祇差別事佛子菩薩摩訶薩住此初地多作闍浮提王豪貴自在常護正法能以大施攝取衆生善除衆生慳貪之垢常行大施無有窮盡布施愛語利行同事如是一切諸所作業皆不離念佛不離念法不離念僧不離念同行菩薩不離念佛不離念諸波羅密不離念諸地不離念力不離念無畏不離念不共佛法乃至不離念具足一切種一切智智復作是念我當於一切衆生中爲首爲勝爲殊勝爲妙爲微妙爲上爲無上爲尊爲將爲帥乃至爲一切智智依止者是菩薩若欲捨家於佛法中勤行精進便能捨家妻子五欲依如來教

出家學道既出家已勤行精進於一念頃得  
百三昧得見百佛知百佛神力能動百佛世  
界能過百佛世界能照百佛世界能教化百  
世界衆生能住壽百劫能知前後際各百劫  
事能入百法門能示現百身於一一身能示  
百菩薩以為眷屬若以菩薩殊勝願力自在  
示現過於是數百劫千劫百千劫乃至百千  
億那由他劫不能數知尔時金剛藏菩薩欲  
重宣其義而說頌曰

若人集衆善  
具足白淨法  
供養天人尊  
隨順慈悲道  
信解極廣大  
爲求佛智慧  
發此無上心  
淨一切智力  
發此最勝心  
一念知三世  
而無有分別  
種種時不同  
以示於世間  
一切勝功德  
發生廣大心  
方便共相應  
悲先慈爲主  
發生廣大心  
量等虛空界  
信解清淨心

不捨菩薩戒 不樂於出事 常利益世間  
修善無厭足 轉求增勝道 如是好樂法  
功德義相應 恒起大願心 願見於諸佛  
護持諸佛法 攝取大仙道 常生如是願  
修行最勝行 成熟諸群生 嚴淨佛國土  
一切諸佛刹 佛子悉充滿 平等共一心  
所作皆不空 一切毛端處 一時成正覺  
如是等大願 無量無邊際 虛空與衆生  
法界及涅槃 世間佛出興 佛智心境界  
如來智所入 及以三轉盡 彼諸若有盡  
我願方始盡 如彼無盡期 我願亦復然  
如是發大願 心乘軟調順 能信佛功德  
觀察於衆生 知從因緣起 則與慈念心  
如是苦衆生 王位及珍寶 乃至象馬車  
而行種種施 頭目與手足 一切皆能捨  
頭目與手足 乃至身血肉 求種種經書  
心得無憂悔 善解其義趣 能隨世所行  
能隨世所行 慈愧自莊嚴

修行轉堅固 供養無量佛 供養無量佛  
如是常修習 日夜無懈倦 勸敬而尊重  
如火鍊真金 善根轉明淨 善根轉明淨  
所作無障礙 普薩住於此 淨修於十地  
爲利諸商衆 具足不斷絕 譬如大商主  
菩薩住初地 問知道險易 安隱至大城  
到於第十地 應知亦如是 勇猛無障礙  
以法化衆生 住此初地中 作大功德王  
化行靡不及 住此初地中 作大功德王  
欲求最勝道 慈心無損害 統領闍浮地  
勇猛勤修習 皆令住大捨 成就佛智慧  
震動百世界 捨己國王位 能於佛教中  
入於百法門 則得百三昧 及得百三昧  
及現百菩薩 光照行亦余 化百土衆生  
過是數無量 能知百劫事 示現於自身  
若欲廣分別 以爲其眷屬 若自在願力  
我於地義中 能知百劫事 示現於自身  
億劫不能盡 菩薩最勝道 略述其少分  
利益諸群生 如是初地法 我今已說竟

# 大方廣佛華嚴經卷第三十四

三

不墮<sub>求位映奪</sub><sub>下徒活切</sub>錯謬<sub>上本各切</sub>傾覆<sub>方裸</sub>石  
壁<sub>此激珂貝切</sub>金剛<sub>上戶加切</sub>覆翳<sub>於計劫</sub>  
數數<sub>所急</sub>資糧<sub>貢</sub>險易<sub>以盛</sub>

## 大方廣佛華嚴經卷第三十五 愛五

于闐國三藏沙門實叉難陀譯

### 十地品第二十六之二

諸菩薩聞此 最勝微妙地 其心盡清淨  
一切皆歡喜 皆從於座起 踊住虛空中  
普散上妙華 同時共稱讚 善哉金剛藏  
大智無畏者 善說於此地 菩薩所行法  
解脫月菩薩 知衆心清淨 樂聞第二地  
所有諸行相 即請金剛藏 大慧頌演說  
佛子皆樂聞 所住第二地  
余時金剛藏菩薩告解脫月菩薩言佛子善  
薩摩訶薩已修初地欲入第二地當起十種

心何等爲十所謂正直心柔軟心堪能心調伏  
心寂靜心純善心不雜心無顛戀心廣心大心  
菩薩以此十心得入第二離垢地佛子菩薩住  
離垢地性自遠離一切殺生不畜刀杖不懷怨  
恨有慙有愧仁恕具足於一切衆生有命之者  
常生利益慈念之心是菩薩尚不惡心惱諸衆  
生何況於他起衆生想故以重意而行殺害性  
不偷盜菩薩於自資財常知止足於他慈恕不  
欲侵損苦物屬他起他物想然不於此而生  
盜心乃至草葉不與不取何況其餘資生之  
具性不邪媱菩薩於自妻知足不求他妻於  
他妻他所護女親族媒定及爲法所護尚  
不生於貪染之心何況從事況於非道性不  
妄語菩薩常作實語真語時語乃至夢中亦  
不忍作覆藏之語無心欲作何況故犯性不  
兩舌菩薩於諸衆生無離間心無惱害心不  
將此語爲破彼故而向彼說不將彼語爲破  
此故而向此說未破者不令破已破者不增